

D. BENEDICTI MANDINÆ,
CONGREGATIONIS CLERICORVM
REGVLARIVM, EPISCOPI CASERTANI,

Nuncij ad Regem Senatūq; Polonum
Apostolici

Oratio,

De fœdere cum Christianis contra Turcam
paciscendo.

*Habita in Comitibus Varſavi. e 3. Calend.
April. 1596.*



CRACOVIAE,
In Officina Lazari. Anno Domini,
1596.

Eustachius wolski.

Handwritten text, likely a letter or document, written in a cursive script. The text is heavily faded and illegible due to the age and condition of the paper. It appears to be a single paragraph of text, possibly a letter, with some lines starting with capital letters. The ink is dark, but the paper is yellowed and stained.

Believe me



VAM VEHEMENTER
(Sacra Regia Maiestas, Illu-
strissimi Proceres, Se-
natus amplissime, cæte-
rique potentissimi huius
Regni Ordines Inclyti)
Sanctissimus Dominus
Noster in Regem, Senatum, populumque
Polonum animatus est, ego, extremis hodie li-
neis, si possem inumbrare, putarem certè, me
fatis momenti allaturum, vel ad suadendum
foedus cum Christianis, vel ad persuadendum
bellum contra Turcas; si nudè tantum, vnoq;
verbo dicerem, me, ex extrema vsque Italia, à
Clemente Octauo, Pontifice Opt: Max: missū
ad vos huius rei causa, & allegatū fuisse. Nam
beneuolentiæ, pietatisque, qua, summus Ponti-
fex, summa Poloniam prosequitur, & semper
prosecutus est, lineas primas qui videt, reputatq;
cum animo suo, hunc affectū exire ex illa pro-
uidentia, qua Deus, tanquam anima, Eccle-
siæ suæ corpus vegetat, & perpetuò informat;

recto is rationis filo ducetur eò, vt statuat, & quasi certum è cèlo defigat, hanc nec pietatem velle, nec prouidentiam posse quoquo modo fallere, & in fraudem pellicere. Verùm cùm lachrymæ, quæ Clementi Octauo pro Polonorum salute sæpè fluunt, & cogitationes, quæ pro Polonia ipsa perpetuæ, & ne noctibus quidem intercisæ, excubant, tantam spirent in hoc regnum pietatem, quanta nullo verbi colore tenuiter quidem effingi poterit; video mihi à re ipsa impositum iri necessitatem dicendi hodie apud vos, si pro Christianorum fœdere aliquantò operosiùs, certè contra Turcicam perfidiam multò liberiùs. Etsi ego ab omnibus naturæ artisque subsidiiis imparatus, indignus omninò sim, qui Apostolici ad vos aut Legati nomine censear; tamen cùm dicturus sim nomine Pontificis, qui vos teneriùs amat, quàm pater filios, & dicturus sim Christum, cum fortunis vestris & libertatibus penitùs implicatù; spero, me à vestra omnium æquitate impetraturum, vt ad orationem meam faciles hodie

aures

aures, sitientesque afferatis. Quare nec veteri Rhetorū more rogabo, vt attendatis: Pontifex enim, à quo missus sum, & Christus, cuius causa ^{1. Cor. 5.} missus sum, hoc à vobis quodam iure exigunt; nec deprecabor, quòd orationem affero nullo aut flore sparsam, aut artis gemma intertextā: profiteor enim, me dicturū hodie Christum, vt nudum, sic sine exquisito artis aucupio nudè.

Cū omnibus (Serenis: Rex) qui Christum profitentur, & viuunt, pax præcipuè curæ esse debeat, tum Pontifici maximè; qui Christiani orbis cor & caput, quam Christus præiuit illi viam orbis regendi, rectèque conformandi, eā insistere debet, & solet. Christo autem pacem inprimis cordi fuisse, loquitur eius vita, quæ tota erat præsepe, stabulum, colaphus, spiritum, crux, vt vno verbo dicam, tolerantia, & pax: cū contrā, qui aliorum Imperiorum rationes fundarunt & constituerunt, principium semper duxerint, Romulus à cæde, Virginius à seditione, Philippus à fraude, Cæsar à bello, ab aliis furorib. alij. Hæc res, si non esset tam per-

Luc. 2.
Matth. 24.
& Cor. 15.

spicue vera, quam Christum esse in pace natum,
in tumultu mortuum; ex eo tamen vno liqui-
do vinceretur, quod Euangelij vox audita est in
terris prima, Pax hominibus bonæ voluntatis;
& vltima audietur tuba, cum Dominus ad iu-
dicandum venerit; quasi esset vt iudicis, ab hu-
ius mundi tribunali egredi more leonis, & pu-
gnantis; sic Seruatoris, in hoc mundi thea-
trum ingredi, specie ouis, & patientis. Hanc
pacis doctrinam, ex Christo delibatam & hau-
stam, cum Pontifex, & ipse fateatur, & alios do-
ceat; mirabuntur fortasse aliqui, vel non satis
illi sani, vel in re Ecclesiastica hospites valde &
peregrini, quid causæ possit esse Pontifici, qui se
profitetur pacis doctorem, vt, conuerso quasi
Euangelij orbe, Polonis facem ad bellum præ-
ferat & tumultum. Et iuste quidem hi mira-
rentur, si, quæ dicitur pax Turcica, bellum non
esset, omnium, quæ post natos homines gesta
sunt, odio immanissimum, re maximum, euen-
tu periculosissimum. Odium quid exaggero?
Turcicum est, & contra Christum ipsum. Rem
quid

quid nastro? Tyrannis est, quantam infernus
poterit excogitare maximam. Euentum quid
exprimo? Vngariam videtis felicem forsan;
sed maximo certè Christianorum malo felicè:
quæ, si aurum proferat, Turcis profert ad gazā:
si æs, Turcis ad arma: si scēminas, Turcis ad li-
bidinem: si viros, Turcis ad seruitutē, & (quod
seruitute peius est) omnia Mahometi ad obse-
quia. O miseram Vngariam, & hoc solū no-
minē miseram, quod paci Turcicæ credidisti!
Quare, è specula Pōtifex cūm videret, pacis no-
mine, in speciem quidem pulchro, sed ad exitiū
insidioso, quasi vestigio quodā hostem irreperere
in alias Christianorum partes, & quas non po-
test armis subiugum mittere, eas, arte, aliam su-
pra aliam occupare; statuit, se, vt Patrem & Pa-
stōrem omnium, debere inter hanc vulpeculā,
(quæ Christi vineam demolitur) & Christiano-
rum (grande crimen, molli notabo nomine) Cant. 1.
simplicitatem, suam iam tandem proui-
dentiam interponere. Hortatur ergo vos,
Equites Poloni, Summus Pastor, non ad tu-
multus

multus mentis, quasi Euripi immanes & infanos fluctus; sed ad pacem veram illam & firmā, quæ duabus tantum rationibus comparatur, iciendo fœdere cum Christianis, & acinace acuendo contra Turcas. Quòd si fortè adsit, qui neget, vllum bellum suscipiendum iis, qui Christiano nomine censentur; nā is toto errat cælo: cū æternus illerum conditor cognomen sibi à militia indiderit, Deum Sabbaoth, id est exercituum; & in medio cælo viderit, ac probārit bellum illud mentium beatarū cum spiritibus apostaticis; qui, quod monumentū & folium superbiæ suæ non potuerunt erigere in cælo contra Patrem, id iam per Turcas conantur in terris excitare contra Christum. Teneat quidem vos pace Turca; sed pace, quæ est bellum: inuitat vos Pontifex ad bellū; sed bellum, quod erit pax; & pax, quæ non Turcicæ perfidiæ leuitate, tanquam pluma, sed firmissimis vestri acinacis & lacerti radicibus perpetuò nitetur. Nō sum tam exquisitè, rigidèq; Christianus, vt fœdus non feram cum Turca, quod necessitate

Isaïæ 6.
Ierem. 2.
Apoc. 11.

necessitate extrema impositum, nō potuit aut
arte eludi, aut commodè declinari; nec qui-
dem tam lentè, frigideque Christianus sum; vt
fœdus cum omni infideli, tanquam iocum ac
ludum, probem & admittam. Nam cūm fœ-
dus ipsum profiteatur quandam communio-
nem amoris & voluntatis in eos, cum quibus
initur societas; & odij, vel certè non amoris in
eos, qui hoc fœdere non comprehenduntur,
velintque omnes, qui Mahumetana fraude de-
uincti & obstricti sunt, Christum, Christianūq;
nomē penitus & à stirpe interire; cum hac pe-
ste lueque hominum, qui in societatem fœde-
ris veniunt, eiusdem voluntatis societate viden-
tur teneri: quo crimine nullum potest à nobis
concipi & admitti, vel labe tetrius, vel in cælum
cōtumeliosius. Id quod Dauid Rex oculo non
sensus obscuro, sed puro illo, claroque Prophe-
tiæ, quia vidit, proficitur ille apertas & perpe-
tuas cum hoste Dei inimicitias; istudq; cecinit
posteris, non tam ad auris titillationem, quàm
ad mentis nostræ institutionem, illis verbis:

Job 19

B

Nonne

Nonne qui te oderunt, Domine, oderam? & super inimicos tuos tabescebam? perfectō odio oderā illos, & inimici facti sunt mihi. Odium hoc Davidis in hostes Dei tam vehemens erat, si affectum; tam penitus insitum, si modū spectes: vt putārit sanctus zeli cælique plenus, se complicatam mentis suæ notionem non satis distinctè expressisse, nisi illud suum odium, non solū interrogationis amentata quasi hasta, sed alio modo variè explicaret. Oderam, inquit, illos. tantūne? odio oderam. quo? vehementi illo & perfectō, ita, vt odio hoc, tanquam zelo implicitus, totus intabuerim. Nos, qui tantū latinis literis tincti sumus, quid sibi velit hic dicendi modus, non satis capimus. at in sancta lingua, hæc interrogandi forma, & eiusdem rei inculcatio, tantā vim habet, vt Vatinianum illud odium, quod Ciceronis ætas nobilitauit, & Turcicum, quod nostra; præ hoc Davidis in hostes sic expresso, molle videatur, aut prorsus nullum. Si David, qui scintillam tantū Dei, ex legis nube obscurè emicantem

viderat,

viderat, inimicitias capitales cum inimicis Dei
apertè profiteri, verbo exemploque docuerit;
nos certè, quib. Christus aperuit, quicquid ha-
buit lex ænigmatis, aut Euangelium gratiæ &
veritatis, si amicitiam, vel fœdus cum filiis Be-
lial copulauerimus, admittemus profectò cri-
men, cui vindicando, vix tres Inferni videbūtur
fore satis. Tertullianus, eorum, qui de re Eccle-
siastica latinè scripserunt, primus, & (si affectus
eum ad priuati cerebri scopulum transuersim
nō abripuisset) certè doctissimus, monet Chri-
stianos omnes, se profiteri in Baptismo pugiles
& palæstritas a duersus hostes, qui Christum, e-
iusque membra, vel apertè petunt, vel insidiarū
cuniculis occultè tentant. Ac ne puteris, hoc
verbum flocci esse, aut nihili; causa hæc est, cur,
vt pugiles ante luctam, sic Christiani, ad perpe-
tuam cum Christi hoste pugnam, oleo in ba-
ptismate, veteri constantique cæremonia, vn-
guntur semper, & illinuntur. Christe, in quas
tandem angustias conditus es? professio tui
nominis laudatur, & obteritur: & sacri illi mo-

Tertull. de
Corona mi-
litis.

res, qui instituti erant ad disciplinam, exierunt
in cæremoniam, tanquam bullam, aut si quid
bulla possit fingi vanidius aut contemptius.
Nam in hac re, si quid habet antiquitas funda-
menti, aut mos iste momenti, nihil est à profes-
sione Christianorum tam alienum, quàm, non
dico inimicitias non suscipere, sed fœdus icere
cum hoste illo, qui profitetur, se cogitare, face-
re, viuere, & regnare hoc solum nomine; vt,
quicquid est Christiani nominis, ex orbe stirpi-
tus euellat. Frustrà fortè videar cuiquam, ex
natura rei, ex antiquitate, ex professione colle-
gisse: cùm Deus, in ipsis iactis mundi Ecclesiæq;
fundamentis, illam legem disertè fixerit rectæ,
puræque Adami posteritati; vt inimicitias per-
petuas habeat cum fœce infernali, quæ callidi
serpentis sibilum libenter audit, & venenum,
tanquam mel, auidissimè semper haurit. Po-
nam (inquit Deus serpenti) inimicitias inter te,
& mulierem, inter semen tuum, & semen illi-
us. Mulierem, siue ad normam literæ Euam,
siue ad spiritus rationem, cum Ambrosio intel-
ligamus

ligamus Ecclesiam; inter mulieris semen, & semen Sathanæ odium est, vt intestinum, ita Dei præscriptione tam altè insculptum; vt, qui cōtra hanc legem commiserūt, quemadmodum, ex quo semine fluxerunt, factis mundo ostenderint; sic poenam factis dignam, è cælo exquisitissimam semper subierint. Interdixit Deus Iudic. 2. Israëlitis, non amicitia tantum, sed commercio gentium & Philystæorum, Bonus certè Deus, qui prius monet, quàm perdit: sed, quàm est bonus quòd monet, tam seuerus, dum perdit. Primùm minatur Israëlitis, ne iungant fœdus cum gentibus; iungunt tamen. qua poena? Quod minatus est Deus, facti sunt illis Philystæi fouea, in quam cadant: laqueus, quo implicati teneantur: festuca & offensio, qua oculi illis corrumpantur. quid tandem? tandē Israëlitæ terræ, quam Deus illis impertiuit optimam, vsura priuantur, & quæ fuerunt contra Deum superba, fiunt demum vilia capita. Placuit (inquit Deus) vobis, habere inimicos meos pro amicis; ego faciam, vt sitis illis serui, &

mancia. Si istud inde ex Israëlitica gente nimis altè repetitum quisquam fortè censeat; non id factum, quòd desint domestica & recentia exempla; sed, quòd Tragicam Christianorū vel culpam hoc in genere, vel poenam, sine ingenti & mentis dolore, & vocis questu, in hunc vēstrum cōfessum, tanquam in theatrum, non potuerim inducere. Inducētur tamen, & quia videmini hoc velle, & quia mala, quæ propiora sunt, propiūs quidem vrgent, ac mouent vehementiūs. Trapezuntini principes, quòd Paulum noluerunt audire monentem, Nolite iugum ducere cum infidelibus; meruerunt infidelium subire iugum. Paleologi, quibus tanta erat potentia, vt nec fama terminum, nec gaza corū inueniret modum, quòd pacti sunt amicitiam cum Turca, ac, contra Dei vocem, putārint, posse esse (verbis sacris vtar libenter) participationem iustitiæ cum iniquitate, societatem lucis cum tenebris, ac conuentionem Christi cum Belial; ita abierunt in puluerem, vt Oriens, illorum imperiū, cesserit præda Turcis, &

cis, & ipsi post se hoc tantum reliquerint fame,
aut potius infamiae, quod Constantinopolis,
qua nihil habet Orbis post Romam maius, fuit
Paleologorum, & horum scelere, Christo periit
& caelo. Vngaros non dico (hos ipsi superiori
anno audistis Cracouiae suam miseriam serio
deplorantes, & vestram opem frustra implo-
rantes) ipsi, ipsi illis vestris auribus audistis eos
exclamantes: Heu, heu, miseros nos, quod cre-
diderimus Turcae, & falso foederis nomine, no-
stros posteros passi sumus perpetua seruitute
irretiri. Sed Phryges sunt; id est, sero sapuerunt.
Dicet forte quispiam, eos, hac seruitute, depen-
disse Deo poenas Schismatis, quod contra Petri
Sedem nefarie fecerunt. & ego certe non valde
abnuerim; tamen sic intelligi velim, quasi serui-
tus, qua isti induti sunt, tanquam catenula, ex
quatuor istis annulis, deliciis, peccato, schisma-
te, & foedere Turcico, sic contexta fuerit; ut via
munierint, deliciae ad peccatum, peccatum ad
schisma, schisma ad foedus Turcicum, foedus
tandem Turcicum ad seruitutem, quantam nul-
la hac-

læ hætenus literæ, Græcæ illæ; aut Latinæ, exp-
resserint grauiorem. Rem, etsi putem certif-
simam; tamen facile patiar, vt non credatis, nisi
pœnam, quantam sol viderit grauissimam, ex
media nostra ætate attulero, Turcico tantum
fœderi irrogatam. Franciscus Galliarum Rex,
quantum nomen erat? impleuerat terram sua
gloria, & certè, suæ religionis ardore, cælum:
sic potens, vt cum potentissimo orbis certarit
de orbe, & vna veraque cura sic complexus v-
niuersos suos; vt lis fuerit in Gallia, debeátne il-
li magis Mars, an musa; nobilitas, an plebs; mi-
les, an mercator. Accessit ad hanc gloriam,
quòd nomen eius ierat in nepotem tam pul-
chrum, tam numerosum; vt gēs Valesia, iisdem
quibus mundus, terminis existimaretur circū-
scribenda. Tantæ gloriæ, tantæ potentiae, tan-
tæ religionis Rex, videretur peruenisse in partē
illius felicitatis, qua beatæ illæ mentes purissi-
ma circumfluunt, & perpetua, nisi moriens ex-
clamasset, Perij, heu perij, quòd volui esse fœ-
deratus ei, qui est hostis Christi. Cardinali
Guifio

Guiffo, fubijcienti mifericordiam, pœnitentiã,
confolationem ex facris literis benè multam:
Omnis, inquit, mifericordia mihi claufa eft,
& nulla pœnitentia fatis eft: qui, vt æmuli
mei vel gloriam infufcarem, vel vindicarem in-
iuriam, fœdus pepigi cum Turca, & Chriftia-
norum capita, tanquam armenta, ad Mahume-
tanam feruitutem, viuus, vidensque paffus fum
abigi. Ea fum charitate in mortuos, vt facilè
credam, has voces effe extremè potiùs dolen-
tis, quàm desperãtis. Id tamen negari non po-
teft, Francifcum pœna, viuum, mortuumque
mulctatum effe, quanta in terris excogitari po-
teft maxima. Nam extra bellũ, quod ipfe cum
fua conscientia gessit perpetuum; extra bellũ,
quod ipfius Galliam maximum femper exercu-
it, & in cinerem penè comminuit; Henricus
filius interiit à manu hostis, qui fe finxit amicũ;
& in publico fpectaculo factus eft orbi fpecta-
culum, & vobis, Equites Poloni, exemplum.
Leue iftud poffet videri, quòd viuat adhuc ille
in plurimo nepote. Verũ nepotulos, qui,

C

tanquam

tāquā́m semens, in consequentem omnem
ætatem ferendi videbantur, & propagandi, do-
lor, bellum, venenum, cultellus, ita breuī ab-
sumpsit omnes; vt vna, eademq̃ue ætas Vale-
siam gentem videret, & summam, & propter
foedus Turcicum, nullam. Iagellonia virtus &
religio, etsi in te, Sigismunde Rex, iam viuant, &
in posteris tuis (quantum speramus, & à Deo
precamur) perpetuam, felicissimamq̃ue videā-
tur habituræ vitam; Iagellonium tamen no-
men, cur periit orbi? cur Polonia? Nolo, E-
quites fortissimi, alias vestras profapias penitùs
delètas recensere; nec earum, quæ florent, me-
morix secuturæ minari, aut ominari: id tamen
pro meo in vos amore, non possum non mone-
re vniuersos, vt, quorum perhorrescitis exitum,
horum nullo modo imitemini exemplū. Vi-
deo, Serenissime Rex, non tātum oratione con-
tendisse, sed vicisse ratione, Turcicum foedus
cum natura, cum professione Christiana, cum
Euangelio penitùs pugnare: arma pro Christi-
anis contra communem hostem sumenda vo-

bis

bis esse, nisi equè clarum effecero, facile patiar;
vt quicquā potius cogitetis aut faciatis, quā
quod ego arbitror, & Christiano orbi tam vti-
le, & Reipublicæ (amplissimi Ordines) vestræ,
penè necessarium. Attulerunt ex hoc loco
diuersi diuersa, quibus merites vestras, otio lan-
guentes, & quasi somno sopitas, exuscitare vel-
lent videri: verum nihil horum à me attinge-
tur hodie; vt, qui cognoscam, eam magnani-
mitatem Polonis à natura inditam esse, vt in
rebus magnis non possint languere; illudque
esse, semperque fuisse studium publicæ rei, vt e-
orum animis deberet potius sedandis adfundi
aqua, quā incendēdis facula, aut leuis aliqua
materies subdi ac subministrari. Quare in hu-
ius partis primam quasi aciem non inferam, vos
pugnáturos contra vilitatem Asianam, natam
feruire; nec subijciam, hanc vilitatem nihil in
reb. timere magis, quā vestrorum vel acina-
cum fulgores, vel lacertorum robora; neque
dicam Prætoriani militis (quo inprimis Turca
nititur) florem vanuisse vel viluisse; deniq; re-
liquam

liquam vim ita concisam esse, ut quos contem-
pserit haecenus Tartaros, tanquam pecudes, e-
orum gratiam legationibus iam ambiat, & do-
natiuis; neque exaggerabo Turcarum illud iu-
dicium, Othomanicam tyrannidem, Quarti
decimi Monarchæ imperio definientium; ne-
que alias prædictiones, tanquam tragœdiæ cu-
iusdam interludia, inspergam orationi meæ:
(nam vestra doctrina, vestra experientia, vestra
iudicia non sinunt, ut aliquid aut colligam mi-
nutum, aut leue corradam & alienum.) Id tan-
tùm dixerò, & vobis insigniter Christianis, (at
scio, persuaferò, nihil à Christiana charitate ab-
esse longiùs, quàm otiosè spectare populatum,
quem agri; depeculatum, quem templa; la-
bem, quam fœminæ; seruitutem, quam vestri,
non dico vicini, sed fratres in Christo, & foro-
res à Turcica rabie iam subeunt, & indices ma-
gis videtur subituri. Possunt in aliena calami-
tate qui torpent, aut delicias verius agunt, vide-
ri homines (quod humana illi specie induti
sunt) sed homines verè non sunt, nedum Chri-
stiani,

stiani, qui humanitatem pietatemque (qua homo hominem naturę instinctione complecti debet) totam videntur exuisse. Quemadmodum chyrurgi, quod membrum in languido corpore acu tentarunt aut scalpello, si nullum aduertant motum vel sensum, illud mox iudicant intabuisse, nec ullam melioris vitę vim in se continere; sic in Christiano corpore, qui suorum vel fortunas euerfas, vel labefactatam Rempub. vel aliam calamitatem immissam neglectim, & sine quodam pietatis sensu intuentur, eos ego certę (si quid in Politicis aut Christianis rebus video) iudicārim aut non membra, aut membra, quę publicę curę, & Christi, parum in se, vel nihil omninō habeant. Nam Dei amor, amoris proximi ita perpetuus est, & veluti implicatus, ut Ioannes Apostolus neruosē collegerit: Qui super angustias fratris, quem videt, viscera misericordię suę clauferit; eum vera, vniuersęque charitatē Deum, qui ab aspectu penitus oblitescit, vix, ac ne vix quidem posse diligere. Ac ne quis contra hanc rationis aut naturę vim aude-

at vnquam vsurpare illud Caini, se Vngari Germanique, id est, fratris sui, custodem non esse : & sacræ literæ hanc vocem damnârunt impietatis, & Deus per Salomonem monuit, erudendos eos, qui ducuntur ad mortem, disertèque tandem mandatum, tanquam legem, vnique posuit de proximo suo. Hæc quidem ipsa, etsi in se sint, & luce tam clara, & momento tam firma; vt vos, Equites fortissimi, cùm in publici boni curam spontè euntès, tum insigni pietatis studio semper inflammatos, ad vicinos vindicandos, asserendosque, alia ratione nec velim, nec debeam vehementius hortari; tamen Vngari, regione vicini, religione fratres, ita sunt faucibus pressi, ita momento & vestigio temporis pressi; vt auribus, oculisque vestris, vastitatem suam, labem suam, seruitutem suam, reliquam miseriam suam iterum subiiciant, rogentque, patiamini vos contra communem hostem videri, potius Sagatos in campis, quàm Togatos in conuentibus; & qui in eorum calamitate semper hætenus fuistis; etiam
nunc

nunc ostendatis vos verè Polonos. Et si Equitis
nomen, quod in Polonos insignitè semper con-
uenit, summam in se gloriam habeat; tamen,
cùm Polonus, Equitis potius nomē, quàm no-
men hoc ornet Polonū; aliam vocem, quem-
admodum non possum inuenire gloriosiore,
sic ad studia vestra in vicinos elicienda, non de-
bui adhibere vehementiorem. Nam, si Polo-
nos vos ostēderitis, vicistis vim, asseruistis inno-
centiam; id est, ipsi vos cumulāstis gloria, quā
vix capiat tota terra, ac æterna illa regio, quę,
quot stellis, tot Dei ocellis fulget, sola potest re-
munerari. Neq; vos voco ad bellum, tanquam
prædam, aut solos contra totam Asiæ Africæq;
vim; sed hortor, vt vires vestras cum virib. fra-
trum vestrorum iungatis contra communem
hostem, qui horum vires labefactat, vt ve-
stras frangat. Ecce tempus acceptabile (in
re Christi sic loquar) ecce dies salutis. Nam si
positis simultatibus & contentiunculis, quæ à
Sathana sparsæ & disseminatæ, vos à vobis, ali-
isq; Christianorum partibus diuellunt, arma

Matth. 18.

Ecclef. 4.

Deut. 23.

socia iunxeritis, & vinculo fœderis, aut, vt Christianiùs dicam, charitatis colligati vniuersi, Turcicæ tyrannidis neruū elidere conemini; ausim vobis promittere victoriam, quæ vestrū, vestræq; gentis nomen Romanorum gloria & nomine facilè æquauerit. Quippe fœderi, aut quæ formam charitatis habet societati cuiunque, vis à cælo tanta, & tam copiosa inserta est; vt duobus aut tribus promiserit Deus simul petentibus, largè omnia. quid facientibus simul? alter fulciatur ab altero. quid simul pugnantibus? si hostis præualuerit contra vnum, duo resistēt ei, & vnus prosequetur mille, & duo fugabūt decem millia. Si quis fortè dicat, pacis vos pactis impediri, quò minùs in societatem belli cum Christianis contra Turcam veniatis; propè est, vt exclamem: O vilitatem dignam seruitute! Quid? hisce auribus, hisce iudiciis vox ista inculcabitur, Pax? pax insidiosa? pax peior bello? pax cum Turca? Oblatam dices, non prænsatam. sed quò est velata pulchriùs, cò plus illa alex habebit, & periculi. Turcicus Tyrannus,
Sere-

Serenissime Rex, in eodem Philippi Macedonis
ludo videtur doctus ad malitiam; & ex hac ma-
litia potius, quàm militiæ disciplina, effloruisse
tandem ad hanc potentiam, quam Asia, Africa,
& Europæ pars benè bona, vix, ac ne vix termi-
nârint. Nam, quemadmodum Philippus, pacis
nomine, Anthipolitas implicatos tenet, quoad
Pidnam occupârit & Polydiam; Sferanos com-
plectitur beneficiis, quoad Pegasam & Magni-
siam subiugârit; Athenienses omni officio co-
lit, quoad Olynthios redegerit in potestatem,
& tandem totam Græciam sui iuris fecerit: sic
Turca, Christianos, vnum super alium, irretit
potius laqueo fœderis & pacis, quàm brachio,
& belli vi mittit sub iugum. Trapezuntinum
nexuit fœdere. quid inde? Constantinopolis,
sola facta est præda. Mathelynos iunxit sibi pa-
cis nomine. quid inde? seiuncti ab hac com-
munionem Negropontini, eius mox bellum sub-
ierunt & seruitutem. Thessalonica, Scodra,
Dyrrhachiû, sunt præda Turcici non belli, sed
fœderis: Naupaëtus, Cyprus, Valachia, sunt
D spolia

spolia Turcicæ non virtutis, sed perfidiæ. In re
triticissima non debeo esse minutus: memini-
stis, vel certè legistis omnes, Europæ non toti
vnquam iustum bellum indictum; sed, pacis si-
mulatione, partem præceptam parti, quoad
Imperium suū tyrannus ad regni vestri pomœ-
ria vsque protulerit & propagarit. Et certè, in
hæc pomœria qui non audet irrumpere, sperat
tamen, pacis quodam pede, aliquando irrepe-
re. Vngaros tantum iam laceffit, vobis, Poloni
Equites, amicus scilicet, & fœderatus. at quos
Vngaros? pacis religione, sanctiùs tyranno an-
tè, quàm vos iam, deuinctos. si Vngari vniuersi
subierint iugum; pax, heu pax fatalis ad exitiū,
proximè iugulas Poloniā. Videor videre Tur-
cici tyranni imaginem, & expressionem veram
pulchrè effictam in Golia: qui tanta vastitate
corporis, quanta satis erat sancti exercitus im-
pressioni sustinendæ; non totum tamen exer-
citus totis suis, suorumque viribus aggreditur
rectè, sed singulos, scilicet minorum futuros
virium, ad singulare prolicit certamen; sic Tur-
ca, tana

ca, tam monstrum capitis, quàm Golia corporis, Christianos non omnes, belli societate coniunctos, fortiter petit, sed singulos separatim, hunc mulcet, dum illum perdit. Vestra, Equites, partes, ut nunc sunt, mulceri; post Vngaros, erunt pati; &, nisi animum aduerteritis, perdi. Quod quidam opinati sunt, Turcam sibi munire per Austriam & Carinthiam ad Italiam aditum, etsi aliquid habet probabilitatis; id tamen ego puto potius delirium, quàm militiæ mysterium. Insignis enim stupor esset, & præter morem Turcicum, hoste post se relicto, aggredi Italiam, & Italiam septam, hinc à mari, inde à monte, vndique à milite: cum Poloniam, in qua momentum Italici belli futurum illi videtur, incursioni, flammæ, cineri patentem, post finitimas regiones deuictas, solam puncto posset in potestatem redigere. In Trapezuntino imperio occupando quod fecit tyrannus, ut vicinas partes potestatis suæ flamma omnes inuolueret, ac Trapezuntinam extremam tantum lamberet, quoad mediam & solam ceperit; sic viciniam

vndique vestram, dum fœda depopulatione funestat, vestram regionem, tanquam fimbriam, tyrannidis suæ flamma, extremam tantum lambit. at, si hoc anno, Vngaria & Transilvania; altero, Silesia & Morauia augeant Tyranno imperium; vos, Equites mediæ, & vestra culpa, soli, ut noui Trapezutini, capti estis (horresco referens) capti, & perpetuæ seruitutis nexu adstricti, imò mactati, & trucidati vniuersi. Nā Libertas, Immunitas, Respublica, Nobilitas, nomina Tyranno sunt tam odiosa; ut, qui hæc iusignia præ se tulerint, eorum ne vestigium quidem in suo Imperio leuiter impressum esse sinat. Quare, quod Demosthenes, in bello Philippi contra Olynthios, hortatur suos Athenienses; ut bellum gerant cum Philippo Olynthiæ, nisi malint, Philippum Athenis: id ego vos moneo, Poloni, ut contra communem hostem, sicas in eius Vngaria, vel alia ditione alibi distringatis; nisi sicas & lanceas eius, non multo post, domi vestræ, pleno pectore velitis haurire. Sigismundus Secundus, in tali fortè occasione erat tergiuersator, & quòd

&, quòd tergiuersator erat, famam apud posteros consecutus est, quam à tuo, Sigismūde Rex, cognomine, qui tua causā cupimus, syncerè deprecamur. Quāquam talis certè occasio nūquam erat. Nam neque Polonia vnquam fuit tam propè pressa, nec ad communem flammā extinguendam, auxiliij, consiliiq; aquas vniuersi tam seriò attulerunt. Nunc verò, non Vngaria solū & Germania, pro se supplices vestris genibus aduoluuntur; sed Principes Itali præferūt spem, & Cæsar opem operamq;e prolixè pollicetur. Quod sæpè optāstis, Equites, vt alij fœderis societate inter se sanctè cōstricti, vobiscū castra contra Turcam metentur; id iam è cælo oblatum, non debetis respuere: ne, si rogati nō afferatis auxiliū; pressi fortè, auxilium rogātes, non iuueniatis. Deus æquissimè, vt omnia, videtur illam legem tulisse, Vt, qui obturat aures suas clamori proximi sui, clamās non audiatur; & mensuram, qua mensus est, malam illam, sed plenam è cælo recipiat. Pontificis verò mentem, in fœdere sanciendo synceram, fuciq; expertem,

peritem, cum factum illud ostendit, quod superiori ætate Frânciscum Aldobrandinum nepotem suum, virum multi vsus, summi iudicij, ac pacis bellique artibus æquè pollentem, ad sociale bellum contra Turcas, pignori Christiano orbi pro se misit; tum Dom. Germanicus Malaspina, Sancti Seueri Episcopus (cuius non solum nomen illustrat series Marchionum altissimè repetita, sed Prudentiam etiam & Eloquentiam nobilitarunt tot legationes, quot penè sunt Christiani orbis partes) tam fusè, distinctèq; vobis sæpi⁹ explicauit, vt frustra hîc videar aliquid adnexurus, nisi Pontifex has mihi partes imposuisset, vt ad sacrum hoc bellum vobis pmitterem ab eius nō solum amore consilium; sed ab ærario etiam, tenuiculo quidem illo, & penè attrito, id quicquid potest equè postulari. Accingimini ergo (Machabæi verbis, tot Machabæos; quot adestis Equites, rectè videor affari) accingimini ad prælium Domini, & socia contra gentes arma capite. Estis pauci? facile est Deo, multos concludere in manu paucorū.

Estis im-

Estis imbecilles? quo tandem modo? Pugna-
bitis contra pecudem Asianam, Deo rebellem
& contumacem; ac de cælo erit fortitudo ve-
stra. Quanquam, Poloni, non timetis mortē:
& satius certè est, mori in bello (vt inquit ille
miles Martyr) quàm mala vestræ gentis viderē.
Timetis potius insidias. quas insidias? vnde in-
sidias? Cæsar stat à vobis, Pōtifex à vobis, Deus à
vobis. Sed euolue mihi mētē hīc planè tuā, ex-
cute intelligentiā; fœdusne putas recipiendū,
quod Turca? cōtemnendū, quod offert Christi-
anus? Regnū, inquis, nostrū, libertatem no-
stram. O insaniā! Regnum tuū potes cre-
dere firmitus, libertatem securiorem sub Tur-
cico capite, quàm sub Christiano fœdere? sit
quidem illud firmitus, hæc securior sub illo,
quàm sub isto; audes tamen profiteri, malle te
regnum sine cælo, quàm cælum sine regno?
malle te libertatem sine Christo, quàm Christū
sine libertate? Est quoddam, Equites, hominū
genus, seipsos intemperanter amantium, & vo-
luptati, cupiditatiq̃ue magis, quàm Deo serui-

ENDIMUS,

entium, qui speciem pietatis præferunt, vim tamen pietatis, & virtutis infringunt, & elidunt vniuersam. Apostolus sic depingit, vt videar videre illos, quos nostra hodie ætas, nouo non tam verbo, quàm sensu, appellat Politicos. Speciosè quidem semper hi loquuntur, Euangelium, Gratiam, Christum; tamen, quasi Dei prouidentia penitus sublata, Politicam quandam prudentiam (sic placet istis, Turcismum, vel potius Atheismum suum, antiquo nominis velo obtendere) sui, suarumque actionum omnium regulam & amussim faciunt. Hanc siue artē, siue calliditatem, mirarer Diuum Iacobum dignatum fuisse nomine Prudentiæ, nisi prudentiam istam, mox, ad maiorem infamiam, dixisset esse, & terrenam, quòd Deum fateatur ore, factis neget; & animale, quòd sibi sapiat, non publicæ rei; & tandē diabolicam, quòd omnia metiatur sensu, ac nullam omninò in Deo, diuinisque spem figat, & colloceat. Verùm semper fit; vt suo hi se implicent laqueo, & in fundo diuinæ prouidentiae, quem prudentiæ cuiusdam

iustam arte conantur declinare, omninò pere-
ant. At tutius, dicet aliquis, est, sequi neutram
partem. Quid? Polonus sequetur potiùs quod
tutum, quàm quod gloriosum? Quanquam
in Politicis sit ille hebes, & planè plumbeus, qui
cupiat esse neuter: cùm & Cæsar (qui Ducum
primus, & penè solus, æquè lingua valebat &
manu) hanc vocem damnarit stultitiæ; & usus
probârit, qui neutri fuerunt, & inter duas par-
tes penduli, hos semper in vtriusque partis en-
ses incurrisse, atque insidias. Tandem (vt bre-
ui, sed sacro verbo dicam) qui neutram partem
putat tutam partem, is certè stultus est; quem
innuit, atq; adeò pungit sanctus Iobillo dicto:
Timet pruina; & irruet super eum nix. Quòd si,
Equites Poloni, nec Turcica fraus, nec vicino-
rum lachrymæ, nec vestrum periculum, nec
Dei timor & honor, nec alia vlla ratio potest
vos impellere; vt, coniunctis armis, Europæ la-
banti succurratis, erit certè, penè dixeram. Ve-
rùm amor non finit, vt vestræ genti malè omi-
ner. potiùs pietas erga Polonos mea faciet; vt

E

vos,

vos, qui non politicè, sed cum patribus vestris
Christianè sapitis, orare, & obtestari velim; ne
vlla vestra culpa sinatis, verti Christi templa in
stabula; altaria, in præsepia; monasteria, in Ge-
nicœa, & fœdæ libidinis pròpudia; omnia sa-
cra, in profanà omnia; & tandem, Christum
ipsum prodi Mahometi. Hic lenti si sitis, & pi-
gri (alia taceo) illud tandem erit, & fortassè ho-
die erit, aut certè, non ita longo pòst interuallo
erit, vt requiratur sanguis fratrum vestrorum à
manibus vestris; & Turcæ pro Tribunali illo ex-
tremo & horrifico vos faciant reos impietatis;
quia, quod ipsi pro impia sua superstitione am-
plificanda tam seriò fecerunt; id vos, pro fide,
quæ ex medio cælo fluxit, non dico ampli-
ficanda, sed defendenda, vindicandaq;
nec spontè, nec rogati fecistis.

DIXI.



Ioanni Petreo, Bernardus Leus S.

ORationi, quam tantopere probâsti auditam, æditæ, periisse aliquid nescio quid, miror, quòd miraris. Nam, quod dixit Libanius, ille conditionis Musæ flos, Actionem esse orationis animâ, ita verum est; vt, quæ audita perplacent, illa plærumque lecta, vel ægrè, vel non æquè tueantur famam. Et tu, quoties mihi dixisti, visam tibi fuisse in Casertani dicentis non solùm ore suadam, sed oculo, fronteque flammam? Has legens non vides; vt malè mireris, plurimum interesse inter illam auditam, & hanc lectam; id est, illam viuam, & hanc, actionis, tanquã animæ, penitus expertem. Quamquam in hanc latebram frustra me abdo: tu enim accusas labes dictionis, rei, periodi. Et ego sanè non excuso, verè labes, verè multas; non tamen eas adnatas orationi, sed adlitas ineptè, aliena manu. Nam Casertanus Episcopus, si quis alius, fumi, fimi-que mundani contemptor, satis habuit dixisse, & muneris à Sanctissimo sibi impositi numerum implèsse: nec quicquam minùs voluit, quàm orationem suam typis expressam, oculum iudiciumque

E 2 subire

subire tuum. Typographo Pragensi, tanquam Dictatori, secus visum. Ædedit, addidit, contaminauit, perdidit. Et si dignus iste sit, in quem aculeatissimè dicatur, qui tanti viri iudicium fecit sui iudicij; id ramen solum dicam, & cum poëta modestè, eum oportuisse plenum esse ruris & infœcietiarum, qui è suo rure & infœcetiis tantum aspersit alienæ pagellæ. Quæ tu notâsti, leuia sunt, & typographiæ vitia, non typographi. Punctula, alia pro aliis, quàm facilè excidunt? Typographus, siue Corrector ille sit, alia peccauit, & spontè, iudicioque suo peccauit. Illa, si quis Orationem apud vos fortè ædat, cura sis ita corrigenda.

Correxist typographus.

Meliùs author.

consideratque,

reputatque cum animo
suo: cōsiderare cum
animo, nemo dixerit.

vestigio quodā irrepere

vestigio quodam hostē
irrepere.

æternus ille rerū condi-
tor à militia cogno-
mē Dei Sabaoth hau-
ferit.

cognomen sibi à militia
indiderit, Deū Sabba-
oth. haurire cogno-
men, putidè dicitur.

siue ad normam literæ
Euæ, aut ipsam quoque;
Deipa-

aut ipsam quoque; Deipa-
ram. istud membrū
addi-